



列傳卷第三

宋史二百四十四

關儀言上積錄軍國事新書君丞相被國受領選事都總裁是院等奉
勅修

宗室一

魏王廷美

燕王德昭

秦王德芳

秀王子備附

昔周之初興大封建宗室及其東遷晉鄭有同獎之
功然其衰也翰弱而枝強後世於是有矯其失者而
封建不復古矣宋承唐制宗王襁褓即裂土而爵之
然名存實亡無補於事降至疏屬宗正有籍玉牒有

三百六十一
名宗學有教郊祀明堂遇國慶典皆有祿秩所寓州
縣月有廩餼至於宗女適人亦有恩數然國祚既長
世代浸遠恒產豐約去士庶之家無甚相遠者靖康
之亂諸王駢首以弊於金人之虐論者咎其無封建
之實故不獲維城之助焉雖然東都之仁宗南渡之
高寧元良虛位立繼小宗大策一定卒無動搖磐石
之固亦可知矣且宋於宗室稍有過差君臣之間不
吝於改尤不憚於言涪陵武功真宗即位尋議追復
改葬封其子孫濮邸尊稱言者惟務務非不少避忘
宋末濟邸國事將亡諫疏不息必褒卹而後止是蓋

歷代之所難得者歟表而出之作宗室傳

魏悼王廷美字文化本名光美太平興國初改今名
太祖兄弟五人兄光濟早亡宋興追封邕王改曹王
弟光義即太宗次廷美次光贊幼亡追封夔王改岐
王建隆元年授廷美嘉州防禦使二年遷興元尹山
南西道節度使乾德二年加同中書門下平章事開
寶六年加檢校太保侍中京兆尹永興軍節度使太
宗即位加中書令開封尹封齊王又加檢校太師從
征太原進封秦王七年三月或告秦王廷美驕恣將
有陰謀竊發上不忍暴其事遂罷廷美開封尹授西

四百八十八
京留守賜襲衣通犀帶錢千萬緡絹綵各萬匹銀萬
兩西京甲第一區詔樞密使曹彬餞廷美於瓊林苑
以太常博士王適判河南府事開封府判官閻矩判
留守事以如京使柴禹錫為宣徽北院使兼樞密副
使楊守一為東上閤門使充樞密都承旨賞其告廷
美陰謀功也左衛將軍樞密承旨陳從龍為左衛將
軍皇城使劉知信為右衛將軍弓箭庫使惠延真為
商州長史禁軍列校皇甫繼明責為汝州馬步軍都
指揮使定人王榮為濮州教練使皆坐交通廷美及
受其燕犒也榮未行或又告榮嘗與廷美親吏狂言

我不久當得節帥坐削籍流海島會趙普再相廉得
盧多遜與廷美交通事上聞上怒責授多遜兵部尚
書下御史獄捕繫中書守堂官趙白秦府孔目官閻
密小吏王繼勳樊德明趙懷祿閻懷忠等命翰林學
士承旨李昉學士扈蒙衛尉卿崔仁冀膳部郎中兼
御史知雜滕中正雜治之多遜自言累遣趙白以中
書機事密告廷美去年九月中又令趙白言於廷美
云願官車晏駕盡力事太王廷美遣樊德明報多遜
云承旨言正會我意我亦願官車早晏駕私遣多遜
弓箭等多遜受之閻密初給事廷美上即位補殿直

仍隸秦王府恣橫不法言多指斥三繼勳尤為廷美親信嘗使求訪聲妓怙勢取貨贓污狼藉樊德明素與趙白遊處多遜因之以結廷美廷美又遣趙懷祿私召同母弟軍器庫副使趙廷俊與語閻懷忠嘗為廷美請淮海王錢俶求犀玉帶金酒器懷忠受俶私遺白金百兩金器絹扇等廷美又嘗遣懷忠齎銀盃錦綵羊酒詣其妻父御前忠佐馬軍都軍頭開封潘潏管燕軍校至是皆伏罪詔文武常參官集議朝堂太子太師王溥等七十四人奏多遜及廷美顧望呪詛大逆不道宜行誅滅以正刑章趙白等處斬詔削

奪多遜官爵并家屬流崖州廷美勒歸私第趙白閻密王繼勳樊德明趙懷祿閻懷忠皆斬於都門外籍其家財詔秦王廷美男女等宜正名稱貴州防禦使德恭等仍為皇姪皇姪女適韓氏去雲陽公主之號右監門將軍韓崇業降為右千牛衛率府率仍去駙馬都尉之號並發遣西京就廷美居止五月貶西京留守判官閻矩為涪州司戶參軍前開封推官孫嶼為融州司戶參軍皆秦王廷美官屬坐輔導無狀也趙普以廷美謫居西洛非便復教知開封府李符上言廷美不悔過怨望乞徙遠郡以防他變詔降廷美

字四百二十个
為涪陵縣公房州安置妻楚國夫人張氏削國封命
崇儀使閻彥進知房州監察御史袁廓通判州事各
賜白金三百兩八年正月涪陵縣公廷美母陳國夫
人耿氏卒雍熙元年廷美至房州因憂悸成疾而卒
年三十八上聞之嗚咽流涕謂宰相曰廷美自少剛
復長益凶惡朕以同氣至親不忍寘之於法俾居房
陵冀其思過方欲推恩復舊遽茲殞逝痛傷奈何因
悲泣感動左右遂下詔追封廷美為涪王謚曰悼為
發哀成服其後太宗從容謂宰相曰廷美母陳國夫
人耿氏朕乳母也後出嫁趙氏生廷俊朕以廷美故

令廷俊屬韃左右而廷俊泄禁中事於廷美邇者鑿
西池水心殿成橋梁志云朕將泛舟往焉廷美與左
右謀欲以此時竊發不果即詐稱疾於邸俟朕臨省
因而為變有告其事者若命有司窮究則廷美罪不
容誅朕不欲暴揚其罪及盧多遜交通事發止令居
守西洛而廷美不悛過益怨望出不遜語始命遷房
陵以全宥之至于廷俊亦不加深罪但從貶宥朕於
廷美蓋無負矣言未訖為之惻然李昉對曰涪陵悖
違天下共聞西池禁中事若非陛下委曲宣示臣等
何由知之初昭憲太后不豫命太祖傳位太宗因顧

謂趙普曰爾同記吾言不可違也命普於榻前為約誓書普於紙尾書云臣普書藏之金匱命謹密宮人掌之或謂昭憲及太祖本意蓋欲太宗傳之廷美而廷美復傳之德昭故太宗既立即令廷美尹開封德昭實稱皇子德昭不得其死德芳相繼天絕廷美始不自安已而柴禹錫等告廷美陰謀上召問普普對曰臣願備樞軸以察姦變退復密奏臣忝舊臣為權倖所沮因言昭憲太后顧命及先朝自愬之事上於宮中訪得普前所上章并發金匱得誓書遂大感悟召普謂口人誰無過朕不待五十已盡知四十九年

非矣李文以普為司徒兼侍中他日太宗嘗以傳國之意訪之趙普普曰太祖已誤陛下豈容再誤邪於是廷美遂得罪凡廷美所以遂得罪普之為也至道初命司門員外郎王蟬為皇姪諸孫教授廷美諸子之在京者肄業焉真宗即位追復皇叔涪王廷美西京留守檢校太師兼中書令河南尹秦王張氏楚國夫人咸平二年閏三月詔擇汝鄧地改葬汝州梁縣之新豐鄉仁宗即位贈太師尚書令徽宗即位改封魏王子十人德恭德隆德彝德雍德鈞德欽德潤德文德愿德存故事皇族封王者物故則本宮之長封

四子今六個
國公其後以次文封於是德鈞子承簡屬最長襲封
徐國公官至保康軍留後贈彰化軍節度使安定郡
王謚和懿承簡既薨德雍子承亮襲封昌國公神宗
即位拜感德軍節度使改封榮熙寧二年詔宣祖太
祖太宗之子皆擇其後一人為宗世世封公以奉其
祀不以服屬盡故殺其恩禮三年太常禮院言本朝
近制諸王之後皆用本官最長一人封公繼襲去年
詔祖宗之子皆擇其後一人為宗世世封公即與舊
制有異按禮文諸王公位伯子男皆子孫承嫡者傳
襲若無嫡子及有罪疾立嫡孫無嫡孫以次立嫡子

同母弟無母弟立庶子無庶子立嫡孫同母弟無同
母弟立庶孫曾孫以下準此合依禮令傳嫡承襲詔
可乃以承亮為秦國公奉秦王廷羨祀明年薨贈樂
平郡王謚曰恭靜子克愉嗣克愉卒子叔牙嗣元符
三年改今封德恭字復禮太平興國四年以皇子出
閣拜貴州防禦使廷羨徙房陵諸子悉從行因免官
廷羨卒復以德恭為峯州刺史弟德隆為瀼州刺史
韓崇業為靜難行軍司馬雍熙元年十二月詔以德
恭為左武衛大將軍封安定郡侯判濟州德隆為右
武衛大將軍封長寧郡侯判沂州諸弟皆隨赴治所

四百六十八
令高品衛紹欽送至州常奉外歲給錢三百萬命起
居舍人韓檢右補闕劉蒙叟分任二州通判上臨遣
之曰德恭等始歷郡善裨贊之苟有關失而不力正
止罪爾等端拱元年進封德恭安定郡公淳化四年
改左驍衛大將軍至道二年加左神武大將軍真宗
嗣位就轉左武衛大將軍咸平二年召赴闕改封樂
平郡公判魏州乞奉朝請從之遷勝州團練使景德
初改衛州防禦使三年被疾子承慶割股肉食之五
月卒年四十五上臨哭之慟廢朝三日贈保信軍節
度使追封中國公天禧二年從承慶請加贈護國軍

節度兼侍中明道二年追封高密郡王謚慈惠子承
慶承壽承慶官至和州團練使率贈武信軍節度使
循國公子六人克繼善楷書尤工篆隸宗正薦之仁
宗親臨試及令臨蔡邕古文法寫論語詩書復詔與
士朝分隸石經帝曰李陽冰唐室之秀今克繼朕之
陽冰也訓子弟力學一門登儒科者十有二人嘗進
所集廣韻字源帝稱善藏之秘閣元祐五年以定武
軍節度觀察留後卒贈開府儀同三司建國公謚章
靖承壽終南作坊使贈德州刺史武當侯子四人克
已曉音律嘗作雅樂圖樂曲以獻侍宴大清樓造所

學虞世南書賜噐加等終右千牛衛大將軍贈深州防禦使饒陽侯子叔韶字君和慶曆六年與諸宗子帝前臨真宗御書選第一皇祐初進所為文召試學士院中等賜進士及第自太子右監門率府副率遷右領軍衛將軍入謝命坐賜茶仁宗曰宗子好學者頗多獨爾以文章第進士前此蓋未有也朕欲天下知屬籍有賢者宜勿忘所學叔韶頓首謝既退又出九經賜之遷右屯衛大將軍至和中上書求試煩劇加領賀州刺史終和州防禦使贈鎮東節度觀察留後會稽郡公克脩字子莊仁宗為皇子時待出入禁

中侍學故仁宗待遇殊厚帝嘗御大清樓召宗室試書以克脩為善終右神武軍大將軍成州團練使贈同州觀察使馮翊侯子叔充父早世異母弟叔瑁甚幼叔充拊視誨教成人先是繼母無叙封法叔充請於朝詔從之遂為定制藏書至萬卷子九人登科者三卒官唐州防禦使贈崇信軍節度使尹國公謚孝齊遺表祈任子有司格不下子撫之抗章自列乞如外官法朝廷從其請宗室正任有遺恩自此始德隆字日新雍熙三年卒官沂州守年二十三贈宣遠軍節度使追封臨沂郡公天禧二年從其子承訓之請加

贈崇信軍節度同平章事承訓官至順州刺史又贈
深州團練使德煥字可久太祖召鞠於官中德隆卒
授右千牛衛大將軍封長寧郡侯代兄德隆判沂州
時年十九飛蝗入境吏民請決瘞火焚之德燹曰上
天降災守臣之罪也乃責躬引咎齋戒致禱既而蝗
自殪儒生心恕者郊居肄業一日有尸橫舍下所司
捕怒抵獄將實其法德燹疑其冤命他司按之無異
因令緩刑以俟未幾果獲殺人者怒遂得釋進封郡
公淳化四年為右監門衛大將軍遷左武衛大將軍
改封廣平部民詣闕乞留有詔嘉獎真宗初召還咸

平二年命判滁州與德恭並留不遣三年授徐州刺
史累遷保信軍節度觀察留後大中祥符八年卒年
四十九上臨奠廢朝三日贈昭信軍節度使追封信
都郡王謚安簡明道二年改封顯川子承謨前卒承
矩終莊宅使贈博州刺史承勗至供奉官贈太宰副
使承範承拱並西京作坊使承衍內殿崇班承錫供
奉言德彥字仲達淳化初授右驍衛將軍歷右羽林
龍武二將軍累遷蔡州觀察使咸寧郡公終天平軍
節度觀察凶後贈宣德軍節度同中書門下平章事
謚康簡明道中追封廣陵郡王子承睦承亮承睦終

左領軍衛大將軍彭州團練處州觀察使南康侯承
其封秦國公事見上德鈞字子正性和雅善書翰好
為篇什淳化初拜右武衛將軍四遷至右衛將軍景
德二年加右監門衛大將軍四年卒贈河州觀察使
追封安鄉侯時妻亦卒男女十四人皆幼上甚嗟悼
之子承震早卒承緒供奉官承偉承雅承裔承鑑承
則並西京作坊使承裕禮賓副使承翊內殿宗班承
簡襲徐國公承幹終懷州防禦使贈保靜軍節度使
蕭國公子克敦嗜經術以宗正薦召試中選賜錢三
十萬元豐間集父承幹遺文以進神宗嘉之詔承幹

父子以藝文儒學名于宗藩宜有褒勸於是追封承
幹為東平王而賜以敕書獎諭以宣州觀察使卒
贈開府儀同三司和國公德欽字丕從淳化元年授
右屯衛將軍四遷右羽林將軍景德元年六月卒年
三十一贈雲州觀察使追封雲中侯子承遵西京作
坊使德潤字溫玉頗好學善為詩淳化元年始授右
領軍衛將軍四遷右羽林將軍咸平六年二月卒年
二十九贈應州觀察使追封金城侯德文字子砥淳
化初授右監門衛將軍累遷滑州觀察使馮翊郡公
少好學凡經史百家手自抄撮工為辭章真宗以其

刻勵如諸生嘗因進見戲呼之曰五秀才官中由是
悉稱之德文本廷美第八子其兄三人早卒故德文
於次為第五也帝封泰山祀汾陰幸亳德文必奏賦
頌帝每賜詩輒令屬和數言願得名士為師友特命
翰林學士楊億與之游億卒為詩十章悼之天聖中
遷橫海軍節度觀察留後拜昭武軍節度使易感德
武勝二軍加同中書門下平章事仁宗嘗稱為五相
公而不名慶曆四年宗室王者四人以德文屬祖且
賢方漢東平王蒼進封東平郡王加兼侍中德文雖
老嗜學不倦晚被足疾不能朝六年薨年七十二初
得疾仁宗臨視親調藥飲之及訃聞復臨哭贈太尉
中書令山王謚恭裕子大人承顯以王後襲封康國
公官至昭化軍節度使薨年七十四贈太尉樂平郡
王德愿字公謹淳化元年授右千牛衛大將軍二進
秩為左武衛大將軍咸平二年閏三月卒年二十四
贈涼州觀察使追封姑臧侯德存字安世九歲授右
千牛衛將軍監門至驍衛從祠泰山領樊州刺史
祀汾陰以恩遷之羽林將軍大中祥符四年六月卒
年二十一贈泚州觀察使追封泚陽侯子承衍禮賓副
使

太祖四子長滕王德秀次燕懿王德昭次舒王德林
次秦康惠王德芳德秀德林皆早亡徽宗時追賜名
及王封

燕懿王德昭字日新母賀皇后乾德二年出閣故事
皇子出閣即封王太祖以德昭冲年欲其由漸而進
授貴州防禦使開寶六年授興元尹山南西道節度
使檢校太傅同中書門下平章事終太祖之世竟不
封以王爵太宗太平興國元年改京兆尹移鎮永興
兼侍中始封武功郡王詔與齊王廷美自今朝會宜
班宰相之儀三年二月與太子太傅王溥女封韓國

夫人是冬郊祀加檢校太尉四年從征幽州軍中嘗
夜驚不知上所在有謀立德昭者上聞不悅及歸以
北征不利久不行太原之賞德昭以為言上大怒曰
待汝自為之賞未晚也德昭退而自刎上聞驚悔往
抱其尸大哭曰癡兒何至此邪贈中書令進封魏王
賜謚後改吳王又改越王德昭喜愠不形於色真宗
即位贈太傅乾興初加贈太師子五人惟正惟吉惟
固惟忠惟和慶曆四年詔封十王之後以惟忠子從
諱襲封潁國公而惟吉子守異以真王後最長與從
諱同封守異官至和州防禦使贈武成軍節度使從

國公從藹至齊州防禦使贈武勝軍節度觀察留後
韓國公守異從藹卒以惟忠子從信襲封榮國公官
至雄州防禦使贈保寧軍節度使楚國公從信卒以
惟忠之孫從恪子世規襲封崇國公官至右龍武大
將軍沂州防禦使以卒守異子世清累官茂州防禦
使以本官之長得封申國公熙寧中坐上書請襲曾
祖越懿王封不當奪一官既而議者是其說乃遷越
州觀察使襲封越國公進會稽郡王至保信軍留後
愛諸弟作棣華會於邸中會元豐升祔四后受命告
廟方屬疾自刀就事未幾薨贈安化軍節度使開府

儀同三司號王謚恭安子令廓嗣元符三年改今封
先是熙寧中詔封楚康惠王之孫從式為安定郡王
奉太祖祀及從式薨乃以懿王曾孫世準襲封安定
郡王世準從藹子也為人內恕外嚴無綺羅金玉之
好凡天子郊廟必從祀由金州觀察使拜保靜軍節
度使崇寧六年六十八贈開府儀同三司追封成王世開
襲封世開從誨子惟和孫也七八歲日誦萬言既長
學問該洽事後母孝撫孤姪如己子官官吳申為御
史薦其學行命試學士院累召不赴神宗褒異之召
對便殿論事甚衆時官僚有缺不即請而以他官攝

字四百令... 故私謁公行宗文當嫁皆富家大姓以貨取不復事
銓擇世聞悉言之帝嘉納欽以為宗正固辭乃進一
官以其所列著為令官至奉國軍留後薨贈開府儀
同三司追封信王謚獻敏世雄嗣世雄亦從諫子少
力學知名熙寧中詔宗子以材能自表見者官長及
學官以各上世雄子令鑠在選中嘗請營都宅以處
踈屬立三舍以訓學者詔用其議置兩京數宗院六
宮各建學徽宗即位以世雄於太祖之宗最為行尊
拜崇信軍節度使襲安定郡王知大宗正事宗寧四
年薨年七十五贈太尉追封淄王謚恭憲世福襲封

世福從信子官至集慶軍節度使薨贈儀王令湯新
爵人湯系康惠王曾孫也惟正天聖七年以久病帝
欲慰安之由保鞏節度觀察留後樂安郡公特拜建
寧軍節度使卒贈侍中追封同安郡王謚信靖無子
以弟惟忠子從諫為嗣官至左龍武大將軍温州團
練使坐射殺親事官削官爵幽之別宅從諫少好學
以剛褊廢遂自剄死帝甚悼之贈濟州防禦使濟南
侯惟吉字國祥母鄭國夫人陳氏惟吉生甫彌月不
祖命輦至內廷擇二女媪養視之或中夜號帝必自
起撫抱三歲作弱弓輕矢植金錢為的俾之戲射十

發八中帝甚奇之五歲已讀書誦詩帝嘗射飛鳶一
發而中惟吉從帝嘗躍言甚帝亦喜鑄黃金為奇獸
瑞禽賜之常乘小乘輿及小鞍鞍馬命黃門擁抱出
入常從太祖崩惟吉裁六歲晝夜哀號孝章皇后慰
諭再三始進饘粥太宗即位猶在禁中日侍中食太
平興國八年始出居東宮授左監門衛將軍封平陽
郡侯加左驍衛大將軍進封安定郡公淳化四年遷
左羽林軍大將軍至道一年授閬州觀察使凡邸第
供億車服賜與皆與諸土埒自餘王子不得借也直
宗即位授武信軍節度加同平章事時石保吉先為

使相詔惟吉班其上大半祥符初封泰山以疾不從
行詔許疾愈馳詣行在還頓鄆州惟吉迎謁上勞問
再三改感德軍節度明年疾復作上屢臨省之親視
灼艾日給御膳為營佛事三年五月熈時年四十五
廢朝五日贈中書令進封南陽郡侯謚康孝惟吉好
學善屬文性至孝孝章皇后撫養備至親為搯沐咸
平初以太祖孝章畫像服玩器用賜惟吉歲時真享
哀慕甚至每誦詩至孝義篇涕泗交下宗室推其賢
孝雅善草隸飛白真宗次為七卷御製序命藏秘閣
其子守節以父所書真草千文以獻詔書褒答仍付

史館追贈太尉明道二年封翼王子守節守約守異
守度守廉守康守節累遷彰化軍節度觀察留後同
知六宗正事卒贈鎮江軍節度使追封丹陽郡王謚
僖穆子世永世延世永襲邢國公官至鎮南軍留後
熙寧元年薨贈昭信軍節度使南康郡王謚脩孝世
延終右武衛大將軍絳州防禦使贈武寧軍節度觀
察留後彭城郡公守約終內園使康州刺史贈沂州
團練使子世靜世長世靜至左武衛大將軍均州防
禦使卒贈鎮海軍節度觀察留後北海郡公世長終
左武衛大將軍解州防禦使贈張信軍節度觀察留

後濟陽郡公守恭及其子世清事見上守度終左領
軍衛大將軍英州團練使贈廣州觀察使廬江侯守
廉終拱備庫副使贈內藏庫使守康至供奉官惟固
字宗幹本名元象太平興國八年改賜名授左千牛
衛將軍是冬卒惟忠字令德初名文起太平興國八
年賜今名授右千牛衛將軍四遷右龍武軍真宗即
位改左千牛衛大將軍大中祥符二年進左監門衛
大將軍叙州刺史五年進昌州團練使八年卒贈鄂
州觀察使追封江夏侯明道二年加贈彰化軍節度
使追封舒國公子從恪從藹從秉從顥從謹從實從

信從謹從恪累官西梁院使卒贈磁州刺史東萊侯
子世規襲封崇國公從諫終左衛大將軍齊州防禦
使贈武勝軍節度觀察留後追封韓國公子世壽終
太子右衛率追贈進士及第世準世雄並安定郡三
從信封榮國公官至雄州防禦使贈保寧軍節度使
楚國公謚安僖子世福襲安定郡王從業從頴從謹
並禮賓使從質內殿崇班從諫出繼惟正惟和字子
禮端拱元年授右武衛將軍歷右驍衛神武龍武軍
右衛將軍大中祥符元年領澄州刺史四年遷右千
牛衛大將軍六年平年十六贈汝州防禦使臨汝

侯明道二年加贈永清軍節度觀察留後追封清源
郡公惟和雅好學為詩頗清麗工筆札優游典籍以
禮法自居宗室推重嘗和御製詩上稱其有理致及
卒上謂宰相王旦等曰惟和好文力學加之謹憲皇
族之秀也不幸短命嗟悼久之至於泣下錄其藁二
十二軸上親製序藏于秘閣子從審從諫從審終復
州防禦使贈寧國軍節度觀察留後宣城郡公嘗坐
與人姦除名已而復官從諫終左金吾衛大將軍台
州團練使贈襄州觀察使襄陽侯子世開安定郡王
事見上紹興元年詔曰太祖皇帝勅業垂統德被萬

世神祖詔封子孫一人為安定郡王世世勿絕其
封不舉朕甚憫之有司其上合封人名遵故事施行
時燕秦二王後爭襲封禮部員外郎王居正上言燕
王親太祖長子其後當襲封議遂定自紹興至嘉定
襲封者十五人惟令時令應令諤令衿迹頗著餘皆
繼嗣姪姪無足稱令時字德麟燕懿王玄孫也蚤以
才敏聞元祐六年簽書穎州公事時蘇軾為守愛其
才因薦于朝宣仁太后曰尔室聰明者豈少哉顧德
行何如軾竟不許軾被竄令時坐交通軾罰金已而
附內侍譚稹以進紹興初官至右朝請大夫呂頤浩

請以令時主行在大宗正司帝命易環衛官願浩言
令時讀書能文恐不須易帝曰令時昔事譚稹頗違
清議改右監門衛大將軍榮州防禦使權知行在大
宗正事遷洪州觀察使襲封安定郡王尋遷寧遠軍
承宣使同知行在大宗正事四年薨貧無以為殮帝
命戶部賜銀絹贈開府儀同三司令砥紹興五年由
邵武軍兵馬都監襲封授華州觀察使尋除同知大
宗正事踰年薨令應字深之初懿王生昌州團練使
惟固惟固生楚安僖王從信從信生益公世逢世逢
生令應後右班禁直遷東頭供奉官累監州縣坊庫

監司薛昂薦其才易資承事郎調潁州簽判歷綿州
通判累知蜀州閬州慶源府召除衛尉少卿擢秘閣
脩撰再知慶源府建炎二年分西外宗子於泰州命
令慮知西外宗正事除御營使司參贊軍事挈宗子
避地福州因置司馬元懿太子薨帝命令慮選藝祖
後得三四人尋擢集英殿脩撰知南外宗正再選宗
子得伯琮伯浩養宮中後選得伯玖性亦聰惠高宗
喜轉令慮知泉州尋與祠以歸令元薨令慮改閬州
觀察使襲封除同知大宗正事踰年授鎮東軍承宣
使再遷保平軍節度使紹興十二年薨年七十五贈

少師後追封惠王謚襄靖子子游官至湖北提刑用
戶部侍郎王俱薦加直秘閣會建寧節度使士到知
南外宗正司以事去官言者請擇宗室文臣之廉正
者代之遂以命子游西南外宗官用文臣自子游始
令諲字君序以父任補右班殿直政和中遷承忠郎
召試授從事郎宣和二年以貢士試舍選合格授宣
教郎調信州永豐縣丞中興初累遷福州運判兼提
點刑獄公事秦檜方柄用安定郡王絕封者十餘年
檜死次令衿當封適以事被拘遂命令諲襲封已而
令諲以爵遜令衿乃陞令衿秘閣脩撰知台州移知

紹興府召權戶部侍郎領嚴饒二州鑄錢局先是諸州錢監兵匠多缺不補積其衣糧號三分缺額錢令認請以其錢付諸監省朝廷降銅本錢又建議州縣賣官田計所入高下守令進秩減磨勘有差州縣義倉多紅腐請歲出三之一以易新粟水旱為災檢放不及七分處所即許振恤皆從之令衿薨令詔由崇慶軍承宣使再襲封隆興初除同知大宗正事奏減生日支賜并郊祀賞給以助軍興詔褒之遷敷文閣直學士特授中大夫知紹興府引疾乞祠以歸尋薨年六十八令詔蒞事明敏有風采然在廣東日嘗

與副使章孝協陰中以法陷於死世以此少之令衿嘉孝穆公世峽子也博學有能子聲中大觀二年令選靖康初為軍器少監言事忤旨奪官紹興七年以都官員外郎召張浚罷令衿請對留浚言官石公揆論令衿阿大臣復罷之之以事抵臨安中丞李文會劾令衿昔為大臣緩頰今復奔走請託詔送吏部吏部直令衿奏除德安府通判遷知泉州泉屬邑有隱士秦系故廬唐相姜公輔塋邑旁令衿建堂合祠之郡人感其化歸萬三衢嘗令衿賓客觀秦繪家廟記口誦君子之澤五世而斬之句通守汪召錫繪兄

壻也頗疑令衿誣教官冀汲許令衿論日月無光謗
訕朝政侍御史董德元亦風旨劾之誣以賊私詔下
令衿獄案驗無狀乃論令衿謗訕不遜遣一官勒停
令南外宗王司拘之檜除錫湖南提舉以報之銜
令衿必欲置死地初趙鼎之子汾歸過衢令衿贖之
侍御史徐嘉希檜旨誣令衿與汾有密謀伺朝廷機
事捕汾下大理寺俾汾自誣與張浚李光等謀逆而
令衿預焉獄上檜病不能省乃獲免始增死復爵二十
六年授明州觀察使襲封引疾乞奉王祠許之尋
加慶遠軍承宣使二十八年薨贈開府儀同三司令

話建炎末為右武衛大將軍信州防禦使熙寧初首
封秦王孫從式已而更封燕王曾孫世清宣和中又
封秦王元孫令盪卒令庇年最長禮官以為小
宗不當封紹興元年六月令話得襲封授寧州觀察
使二年七月薨贈開府儀同三司令德乾道元年為
武德郎時安定郡王令詠換文階太宗正司奏令德
授定武軍承宣使襲封令德貧幾不能出蜀七年令
德薨令愷當封以沈洵聲色不任襲詔武德郎令擢
襲封除金州觀察使令擢薨時秦王後無當襲者武
翼郎子揆屬燕王後年又最長得襲封子揆薨九年

九月忠訓郎子彤襲授容州觀察使紹興二年薨年八十餘慶元元年十月忠訓郎子恭襲授利州觀察使子恭薨嘉定二年七月子觀襲授金州觀察使四年十一月伯初襲授宣州觀察使嘉定元年十月伯祝襲授福州觀察使八年十一月伯澤襲授潭州觀察使

秦康惠王德芳開寶九年出閣授貴州防禦使太平興國元年授以興元尹山南西道節度使同平章事三年冬加檢校太尉六年三月寢疾薨年二十三車駕臨哭廢朝五日贈中書令岐王及謚後加贈太師改

楚王子三人惟叙惟憲性能慶曆四年詔封十王之後以惟叙子從照封安國公終左金吾衛大將軍歸州副總使贈同州觀察使國齊公從照卒以惟能子從古封安國公終江州觀察使贈保靜軍節度使同中書門下平章事楚國公謚惠恪從古卒惟憲子從式襲封舒國公神宗即位謂初業垂統實自太祖顧無以稱乃下詔令中書門下改太祖之籍以屬近而行尊者一人裂土地而王之使帝從獻于郊廟世世勿復絕於是有所司推擇以從式應詔封安定郡王終保康軍節度使贈同中書門下平章事追封榮王謚

安僖從式既薨詔以越王曾孫世準襲封安定郡王
而以從式子世恩襲爵為楚國公主楚王德芳之祀
遷楚州防禦使卒贈國軍節度使謚良僖徽宗即
位改封楚王為秦王惟叙字懋功性純謹頗好學端
拱初授左武衛將軍四遷左衛將軍領勤州刺史大
中祥符四年從祀汾陰拜左千牛衛大將軍八月卒
年三十五贈懷州防禦使追封河內侯明道二年加
贈保靜軍節度觀察留後高平郡公子從照封安國
公從溥至右侍禁內殿崇班惟憲字有則美丰儀少
頗縱肆長修謹善射好吟詠多讀道書端拱初授左

屯衛將軍累遷左羽林將軍領濱州刺史加左衛大
將軍領賀州團練使真拜資州團練使大中祥符九
年五月卒年三十八贈安德軍節度使兼侍中英國
公子從式始封安定郡王事見上從演禮賓副使從
戒從戒從湜並內殿崇班從賁供奉官惟能字若拙
端拱初授右屯衛將軍累遷右神武軍將軍大中祥
符元年五月卒年三十贈蔡州防禦使張掖侯明道
二年加贈集慶軍節度觀察留後南康郡公子從古
襲安國公從善內殿承制從贄崇班
安僖秀王子侂秦康惠王之後高宗族兄也康惠生

英國公惟憲惟生新興侯從郁從郁憲生華陰侯世將世將生東頭供奉官令僧生子偁宣和元年舍試合格調嘉興丞是年子伯琮生後被選入宮是爲孝宗子偁召赴都堂審察改宗教即通判湖州尋除直秘閣賜五品服孝宗既封建國公就傳子偁召對言宗室之寓于外者當衆居官舍選尊長鈐束之年未十五附入州小學十五入大學許依進士就舉未出官者亦許入學聽讀及一年聽參選高宗納其說遷朝奉郎秘閣修撰之慶州已而乞祠許之累官左朝奉大夫紹興十三年秋致仕明年春卒于秀州

時孝宗為普安郡王疑所服詔侍從臺諫議秦燿等請解官知南班故事普安亦自請持服許之及普安建節子偁以恩贈太子少師既為太子加贈太師中書令封秀王謚安僖配張氏封王夫人孝宗受禪稱皇伯園廟之制未備紹熙元年始即湖州秀園立廟奉神主建祠臨安府以藏神貌如濮王故事仍班諱嗣秀王伯圭字禹錫孝宗同母兄也初以恩補將仕郎調秀州華亭尉累官至浙西提刑司幹辦公事除明州添差通判孝宗受禪上皇詔除集英殿脩撰知台州伯圭在郡頗著政績除敷文閣待制政知明州

充沿海制置使蕃商死境內遺貲巨萬吏請沒入伯
圭不可戒其徒護喪及貲以歸陞敷文閣直學士以
憂去服闋尋知明州新學宮命宗子入學闕以規矩
詔徙戍定海兵於許浦伯圭奏定海當控扼之衝不
可撤備請摘制司軍以實其地從之海寇猖獗伯圭
遣人諭降其豪葛明又遣明禽其黨倪德二人素號
桀黠伯圭悉撫而用之賊黨遂散以功進一官累陞
顯謨閣龍圖閣學士在郡十年政寬和浚湖陂均水
利辨冤獄嘗鑄銅者不悉實諸法諭令易業民由
是無再犯淳熙三年授安德軍節度使尋加開府儀

同三司充萬壽觀使朝德壽宮上皇賜玉帶加少保
封滎陽郡王高宗崩入臨充攢宮總護使除少傅光
宗即位陞少師踰年召見遷太保封嗣秀王賜甲第
於安禧祠側臣僚上言治平中追崇濮邸王子孫幾
二十人皆自環衛序遷其官今居南班者止師夔一
人非所以強本支而固磐石也前未建秀邸時欲賦
以祿則不免責以吏事今已建邸而猶責吏事他日
或不免於議治則傷恩不則廢法曷歸之南班俾無
吏責而享富貴遂詔伯圭諸子得換班紹興二年除
判大宗正事建請別立宗學以教宗子超拜太師免

奉朝請尋兼崇信軍節度使賜第還湖州尋薨于家
訃聞帝為輟朝三日追封崇王謚憲靖伯圭性謙謹
不以近屬自居每日見行家人禮雖宴私隆洽執臣
節愈恭一日孝宗問潛龍時事伯圭辭曰臣老矣不
復能記問至再三終不言帝笑曰何太謹也益愛重
之嘗欲廣其居並湖為複閣有司既度材矣伯圭固辭
而止阜陵成遷中書令凡五讓寧宗嘉其志詔別議
褒崇之禮贈贊拜不名有輿至殿門子九人師夔師
揆師垂師高師禹師臯師岩師彌師貢師夔字汝一
初以祖恩補官調太平州蕪湖簿隆興元年改右丞

務郎歷台州秀州通判直秘閣尋知徽州新學舍進
直徽猷閣知湖州時歸附從軍而廩於湖者衆不能
給師夔請增廩仍別給餼錢以安其心帝稱善詔
諸郡行之除直龍圖閣遷浙西提刑改江東運判建
康務場往往奪民利為害滋甚師夔首罷之守臣以
郡計所資請師夔請復舊不從池州軍帥霍政與守
臣交上書相攻詔師夔究曲直政密遣人求庇師夔
斥之具言狀政坐罷去改秘閣脩撰知明州兼沿海
制置使加敷文閣待制轉永慶軍承宣使紹熙元年
侍父入覲除興寧軍節度使寧宗即位加檢校少保

字四百九十九
充阜陵橋道頓遊使阜陵成遷開府儀同三司侍父
歸父薨未踰月師夔亦卒年六十一贈少師追封新
安郡王師揆字元輔初補右承務郎奉祠除添差湖
州簽判改婺州通判加直祕閣守臣韓元吉薦其材
上以問史浩浩言其聰爽可任召對除江東提舉奏
免失陷常平人毋責償改淮南漕尋遷淮西提刑兼
提舉領屯田事奏以荒圩給軍士其屯田為民世業
者勿奪從之及代去吏請獻羨錢二十萬師揆曰後
將病民矣除直祕閣改江東轉運副使加祕閣脩撰
知明州紹興元年授觀察使寧宗即位除奉國軍承

宣使尋陞節度使召見賜有輿超檢校太保開府儀
同三司充萬壽觀使襲封開禧元年奉朝請嘉定七
年薨贈太傅追封澧王謚恭惠弟師禹由保康軍
度使除開府儀同三司襲封十六年薨贈太傅追封
和王謚端肅

宋史卷第四

列傳卷第四

宋史二百四十五

開府儀同三司柱國錄軍國重事尚書左相監修國史領經筵事都總管殿中丞

勅修

宗室二

漢王元佐 昭成太子元僖 商王元份

越王元傑 鎮王元倓 楚王元偁

周王元儼 悼獻太子 濮王允讓

太宗九子長壽王元佐次昭成太子元僖次真宗次

商恭靖王元份次越王元傑次鎮王元倓次真宗次

次楚王元偁次周恭肅王元儼次宗王元億

宋史一百四十五 列傳卷四

漢恭憲王元佐字惟吉初名德崇母元德皇后少聰
警貌類太宗帝鍾愛之年十三從獵近郊兔走乘輿
前太宗使元佐射一發而中契丹使在側驚異之從
征太原幽薊太平興國中出居內東門別第拜檢校
太傅同中書門下平章事封衛王赴上于中書後徙
居東宮改賜今名加檢校太尉進封楚王初秦王廷
美遷涪陵元佐獨申救之廷美死元佐遂發狂至以
小過操挺刃傷侍人雍熙二年疾少間帝喜為赦天
下重陽日內宴元佐疾新愈不與諸王宴歸暮過元
佐第曰若等待上宴我獨不與是棄我也遂發忿被

酒夜縱火焚宮詔遣御史捕元佐詣中書劾問廢為
庶人均州安置宰相宋琪率百官三上表請留元佐
京師行至黃山召還廢居南宮使者守護諮議趙齊
王通翊善戴元頓首請罪帝赦之曰是子朕教之猶
不悛汝等安能輔導耶真宗即位起為左金吾衛上
將軍復封楚王聽養疾不朝再加檢校太師右衛上
將軍元佐生日真宗賜以寶帶平居不接人事而事
或預知帝嘗遣術士管歸真為醮禳左右未及白元
佐遽曰管歸真至矣帝聞之曰豈非為物所憑乎封
泰山真拜太傅祀汾陰遷太尉兼中書令又加太師

尚書令兼中書令遂拜天策上將軍興元牧賜劍履
上殿詔書不名時禁中火元佐表傳奉稟助完宮闕
不許加兼雍州牧仁宗為皇太子兼興元牧仁宗即
位兼江陵牧薨年六十二贈河中鳳翔牧追封齊王
謚恭憲宗室子弟特給假七日以鹵簿鼓吹導至永
安陪塋永熙陵明道二年改封潞王又改魏王子三
人允升允言允成神宗封王後以允言子宗說恭憲
王長孫嗣封祈國公皇祐中坐帷薄不修除名又坐
坑殺女僕鎖閉官室外宅其子仲旻官右武衛大將
軍道州刺史後因朝叩頭殿下泣訴云父老且病願

納身官以贖神宗亦愍之而未俞其請出就馬氣塞
不能言及家而卒贈同州觀察使馮翊侯宗說幽死
熙寧三年以允升子宗惠襲封魏國公中書言宗惠
不應封以恭憲庶長孫允言子宗立嗣宗立從張揆
學春秋入清樓何宴預坐悉賦裸上詩宗立詩先成
仁宗稱善屢賜飛白書旌其文雅至是襲封終武寧
軍節度觀察留後贈昭信軍節度使同中書門下平
章事南康郡王仲來嗣終金州刺史子不儻嗣徽
宗立改封魏王為漢王不儻卒子彥清乞龍交爵奉
漢王祀詔從之允升字吉先初免乳養明德太后宮

詩字四百七
太后親撫視之元佐有疾允升始出第直宗賜名元
中授右監門衛將軍更賜今名累遷澶州觀察使封
延安郡公進武寧軍節度觀察留後歷安德建雄安
國軍節度使景祐二年卒贈太尉平陽郡王謚懿恭
子十三人宗禮宗旦宗悌宗惠知名宗禮嘗侍宴大
清樓仁宗賦詩命屬和侍射苑中復獻詩怨度州觀
察使成國公贈安遠軍節度使同中書門下平章事
韓國公子仲翹仲髦宗旦字子文七歲如成人選為
仁宗伴讀帝即位獲超選為群從所詆上書言狀帝
曰宗旦陪朕幼學勤勞居多此出朕意豈應訴以常

格所生母死請別擇葬域歲時奠祀後遂著為法
平中同知太宗正事神宗即位拜崇信軍節度使同
中書門下平章事為太宗正賜方團金帶非朝會得
乘肩輿元豐三年封華陰郡王加開府儀同三司長
屬疾十六年宗子有過優游誨導一善必以開異時
赴朝請者奉以私丁給侍宗旦建請始得給養
贈太尉滕王謚恭孝聽旗節印綬從葬宗第字元發
輕財好施故相王氏子持父所服帶求管錢宗悌側
然曰宰相子亦至是乎歸帶而與之錢所親用詐取
葦錘得其狀曰吾不以小故傷骨肉恩竟不問所生

母早世宗悌不識也聞父婢語平生輒掩泣繼得其
肖貌繪而奉之如生終明出觀察使贈保寧軍節度
使同中書門下平章事東陽郡王謚曰孝憲宗惠封
魏國公尋以旁支黜終武昌軍節度觀察留後江夏
郡王贈郟王允言素官左中衛將軍嘗託疾不朝降
太子左衛率府率歲中復官又坐答侍婢而允升
勸止悖慢無禮貶副率絕朝謁出之別第以祀汾陰
恩復率府率還官久之復朝謁歷左監門衛大將軍
黃州刺史天聖七年卒贈明州觀察使奉化侯明道
二年贈安遠軍節度使追封密國公子宗說宗正事

並見上宗育終右屯衛將軍贈潁州防禦使汝陰侯
允成終右神武將軍濮州防禦使贈安化軍節度使
郟國公明道二年加贈鎮江軍節度使兼侍中子宗
顏宗訥宗鼎宗嚴宗魯宗儒宗奭皆為環衛刺史

昭成太子元僖初名德明太平興國七年出閣授檢
校太保同平章事封廣平郡王與元衛王德崇同日
受封八年進封陳王改名元佐詔自今宰相班宜在
親王上宰相宋琪李昉請遵舊制不允琪等懇請
久之上曰宰相之任實總百揆與群司禮絕藩邸之
設止奉朝請而已元佐等尚幼欲其知謙損之道卿

等無固護也雍熙二年元禧被疾以元禧為開封尹兼侍中改今名進封許王加中書令上為娶隰州團練使李謙溥女為夫人因謂宰相曰朕嘗語諸子今姻偶皆將相大臣之家六禮具備得不自重乎溥化元年宰相呂蒙正復上言乞班諸王下詔不允三年十一月己亥元禧早入朝方坐殿廬中覺體中不佳徑歸府車駕遽臨視疾已亟上呼之猶能應少頃遂薨上哭之慟廢朝五日贈皇太子謚恭孝元禧姿貌雄毅沈靜寡言尹京五年政事無失及薨上追念不已悲泣達旦不寐作思亡子詩示近臣未幾人有言

元禧為嬖妾張氏所惑張頗專恣捶婢僕有至死者而元禧不知張又於都城西佛寺招菟菴其父母僭差踰制上怒遣昭宣使王繼恩驗問張繼死左右親吏悉決杖傳免毀張氏父母塚墓親屬皆配流開封府判官右諫議大夫呂端推官職方員外郎陳載並坐裨贊有失端黜為衛尉少卿載為殿中侍御史許王府諮議工部郎中趙令圖侍講庫部員外郎閻象並坐輔道無狀削兩任免詔停冊禮以一品鹵簿葬直宗即位始詔中外稱太子之號焉乾興初改謚無子仁宗時詔以允成子宗保出後昭成太子為孫宗

保生二歲母抱以入見章獻后后留與處宗保七歲授左侍禁帝親為巾其首久之歸本宮詔朔望出入禁省累官代州防禦使襲封燕國公性仁慈主歲更盜米至不斛貫不問嘗書忍字於座右以為戒熙寧七年卒神宗臨奠其子仲鞠泣曰先臣幼養宮中終身不自言帝感悼遂優贈靜難軍節度使新平郡王謚恭靜仲鞠亦好學能詩事親居喪以孝聞宗保卒子仲恕嗣官至忠州團練使謚純僖子士盍嗣商恭靖王元份初名德嚴太平興國八年出閣改名元俊拜同平章事封冀王雍熙三年改今名加兼侍

中威武軍節度使進封越王淳化中兼領建寧軍政鎮寧海鎮東真宗即位加中書令徙鎮永興鳳翔改王雍永熙復土為山陵使拜太傅真宗北征為東京留守堯年三十七贈太師尚書令鄆王改陳王又改潤王治平中封魯王元份寬厚言動中禮標望偉如娶崇儀使李漢斌之女李悍妬慘酷宮中女婢小不如意必加鞭杖或致死上每有恩賜詔令均給李盡取之及元份卧病上親臨問見左右無侍者因輟宮人為主湯劑初太宗崩戚里皆赴禁中朝晡臨李多稱疾不至元份生日李以衣服器用為壽皆飾以龍

鳳居元份喪無戚容而有謗上之語上盡知其所為以元份故優容之及是復不欲顯究其罪狀止削國封置之別所元份子三人長允寧次允懷改允中早卒次則濮王允讓也允讓薨以允寧子宗諤襲魏國公至熙寧三年以宗肅嗣封魯國公宗肅亦允寧子也子仲先嗣徽宗即位改封魯王為商王詔曰宗室諸王追封大國其世襲子孫尚仍舊國甚未稱正名之意如魯王改封商王其子尚襲魯國之類其令大宗正司改正制以寧遠軍節度使魯國公仲先改封商國公允寧字德之性至孝因父感疾恍惚失常既

而嗜學尤喜讀唐史通知近朝典故工虞世南楷法真宗賜詩激賞之又善射嘗侍射後苑屢破的賜金帶器幣初授右千牛衛將軍四遷右武衛歷唐州團練潁州防禦同州觀察使進彰信軍節度觀察留後武定軍節度使景祐元年卒贈太尉信安郡王謚僖簡子宗諤宗敏宗孟宗肅宗諤封魏國公官累集慶軍節度使同中書門下平章事進封豫章郡王乞比外使相給奉仁宗以非兼侍中令詰主吏宗諤上章自陳於是御史張商英劾其招權立威等罪坐落平章事英宗即位還所奪元豐五年薨贈太尉韓王太

三百九十四
常謚榮孝上省集議駁之改榮恭僕射王珪復駁之
遂謚祭恩宗肅封魯國公元宗嘗嘗亡寶器意宗肅
家人子竊之宗肅曰吾庶不足取信兄弟如此乎立
償其直宗謂愧不取乃施諸僧久之器得宗肅不復
言元豐五年終安化軍留後以嘗從英宗入慶寧優
贈鎮海軍節度使開府儀同三司北海郡王宗敏終
右千牛衛大將軍文州刺史贈越州觀察使會稽侯
頗涉書傳緣郊恩建請封所生母范氏宗室子得封
所生母自宗敏始

越文惠王元傑字明哲初名德和太平興國八年出
閣改名授檢校太保同平章事封益王端拱初加兼
侍中成都尹劍南東西川節度淳化中徙封吳王領
揚潤大都督府長史淮南鎮江軍節度使至道二年
改揚州大都督淮南忠正軍節度真宗即位授檢校
太尉兼中書令徐州大都督武寧泰寧等軍節度使
改封兗王咸平中再郊祀皆為終獻加守太保六年
七月暴薨年三十二元傑穎悟好學善屬詞工草隸
飛白建樓貯書二萬卷及為亭榭遊息之所嘗作假
山既成置酒召僚屬觀之翊善姚坦獨頽首不視元
傑強之坦曰坦見血山安得假山言州縣鞭撻徼民

以取租稅假山實租稅所為耳語見姚坦傳中及堯
真宗聞之震悼不俟旦步及中禁門乃乘輦臨視哀
動左右廢朝五日贈太尉尚書令追封安王謚文惠
後改邢王後改陳王無子仁宗以恭憲王之孫允言
子宗望為之後宗望字子國終右武衛大將軍舒州
防禦使贈安化軍節度使觀察留後高密郡公仁宗
嘗御延和殿試宗子書以宗望為第一又常獻所為
文賜國子監書及以塗金紋羅御書好學樂善四字
賜之即所居建御書閣帝為題其榜子仲郃嗣熙寧
三年與高恭靖王孫宗肅等同日封陳國公官至陳
州觀察使卒謚良僖子士關嗣父卒徒行護喪數百
里路人嗟惻卒贈陳州觀察使徽宗即位改封陳王
為越王

鎮恭懿王元偓字希道端拱元年出閣授檢校太保
左衛上將軍封徐國公至道二年拜洪州都督鎮南
軍節度使真宗即位加同平章事封彭城郡王俄加
檢校太傅改鎮靜難彰化進封寧王郊祀東封悉為
亞獻禮成授檢校太尉兼侍中護國鎮國等軍節度
三年文武官詣闕請祠后土元偓以領節帥亦奏章
以請詔許之將行命為河華管内橋道頓遞使明年

車駕入境元偓奏方物酒餼金帛茗藥為首儀物甚盛至河中與判府陳堯叟分導乘輿度蒲津橋上登鄧丘亭目元偓曰橋道頓置嚴離之力也元偓頓首謝及還加中書令領成德安國等軍節度改封相王五年加守太傅真宗自即位以來屢以學術勗宗子元偓首冠藩戚益自修勵上每製篇付必令屬和一日謂宰相曰朕每戒宗子作詩習射如聞頗精習將臨觀焉因幸元偓邸第宴從官宮僚畢會賦七言詩元偓奉觴上壽賜襲衣金帶噐幣緡錢又與宗室射于西園亭日昃從官退上獨以中官從幸元偓元偓

官復宴元偓官如家人禮夜一鼓而罷六年進位太尉八年七月以榮王官火徙元偓宮於景龍門外車駕臨幸是冬加兼尚書令天禧元年二月換成德鎮寧二鎮進封徐王二年春宮邸遺燼燔舍數區元偓驚悸暴中風眩暈年四十二帝臨哭廢朝五日贈太師尚書令鄧王賜謚恭懿元偓姿表偉異厚重寡言曉音律後改封密王又改王蘇治平中追封韓王子允弼八歲召入禁中令皇子致拜允弼不敢當御樓觀醕得與王子並坐皇子即位是為仁宗允弼累遷武寧軍節度使兼侍中判大宗正事封北海郡王美

宗時拜中書令徙三東平神宗即位拜太保
武軍節度使朝朔望慶寧二年丁母憂悲痛不勝喪
固辭起復母塋有日而允弼病篤顧諸子以不得終
大事為恨薨帝臨哭之慟輟朝三日贈太師尚書令
兼中書令追封相諡孝定允弼性端重時然後言
諸宮增學官員允弼已貴猶日至講席延伴讀官讀
孟子一節領宗正三十年與濮安懿王共事相友愛
為宗屬推敬子宗績襲祖恭懿王封為韓國公卒贈
南康郡王諡良簡績弟宗景以相州觀察使同知大
宗正事神宗以其父允弼司宗久故復選用之宗景
事母孝居喪如不能勝居第火冒急赴家廟不恤其
他火亦不為害元祐中累遷彰德軍節度開府儀同
三司檢校司空封濟陰郡王宗景喪其夫人將以妾
繼室先出之於外而託為良家女且納焉坐奪開府
既而還之紹聖四年薨年六十六贈太師循王諡曰
思宗績既卒子仲磨嗣自平川節度使徙劍南西川
徽宗改封韓王為鎮王

楚恭惠王元偁字令聞七歲授檢校太保右衛上將
軍涇國公父之領鄂州都督武昌軍節度使真宗即
位加同平章事安定郡王進檢校太傅景德二年郊

祀遷宣德保寧兩鎮進封舒王大中祥符初封泰山
加檢校太尉兼侍中移平江鎮江軍從祀汾陰加兼
中書令改鎮南寧國軍節度使五年拜太保自景德
後每有大事皆為終獻元僞體素羸多病上幸真源
時已被疾懇求扈從至鹿邑疾甚肩輿先歸車駕還
臨門數四七年薨年三十四廢朝五日贈太尉尚書
令追封曹王謚恭惠後改封華王蔡王有集三卷筆
札一卷上為製序藏之秘閣子允則官至右千牛衛
大將軍卒先是諸王子授官即為諸衛將軍餘以父
官及族屬親疎差等天禧元年令宗正卿趙安仁議

為定制安仁請以宣祖太祖太宗孫初廢授將軍曾
孫授右侍禁玄孫授右班殿直內父爵高者聽從高
廢其事緣特旨者不以為例詔中書門下樞密院參
定行之允則無子以平陽懿恭王之子宗達為後熙
寧三年襲封蔡國公鄰家失火盜因為奸竊宗達所
服帶既而得之且知其主名貸不問浚并得鐵復授
之官累武信軍留後薨贈安化軍節度使開府儀同
三司高密郡王子仲約嗣徽宗即位改封蔡王為楚
王

周恭肅王元儼少奇穎太宗特愛之每朝會宴集多

侍左右帝不欲元儼早出宮期以年二十始就封故
宮中稱為二十八太保蓋元儼於兄弟中行第八也
真宗即位授檢校太保左衛上將軍封曹國公明年
為平海軍節度使拜同中書門下平章事加檢校太
傅封廣陵郡王封泰山改昭武安德軍節度使進封
榮王祀汾陰加兼侍中改鎮安靜武信加檢校太尉
祠大清宮加兼中書令坐侍婢縱火延燔禁中奪武
信節降封端王出居故駙馬都尉石保吉第每見帝
痛自引過帝憫憐之尋加鎮海安化軍節度使封彭
王進太保仁宗為皇子加太傅歷橫海永清保平定

國節度陝州大都督改通王涇王仁宗即位拜太尉
尚書令兼中書令徙節鎮安忠武封定王賜贊拜不
名又賜詔書不名天聖七年封鎮王又賜劔履上殿
明道初拜太師換河陽三城武成節度封孟王改永
興鳳翔京兆尹封荆王遷雍州鳳翔牧景祐二年大
封拜宗室授荆南淮王節度大使行荊州揚州牧仍
賜入朝不趨元儼廣顙豐顙嚴毅不可犯天下崇儼
之名聞外夷事母王德妃孝妃每有疾躬侍藥晨夕
盥灑焚香以禱至憂念不食母喪哀戚過人平生寡
嗜慾惟喜聚書好為文詞頗善二王書工飛白仁宗

字四百八十八
冲年即位意獻皇台臨朝自以屬尊望重恐為太后所忌深自沈晦因閤門卻絕人事故謔語陽狂不復預朝謁及太后崩仁宗親政益加尊寵凡有請報可必手書謝牘方陝西用兵上所給公用錢歲五十萬以助邊費帝不欲拒之聽入其半嘗問翊善王渙曰元昊平未對曰未也曰如此安用宰相為聞者畏其言慶曆三年冬大雨雪水冰陳楚之地尤甚占者曰憂在大臣既而元儼病甚上憂形于色親至卧内手調藥屏人與語久之所對多忠言賜白金五千兩固辭不受曰臣羸瘵且死將重費家國矣帝為嗟泣明

年正月薨贈天策上將軍徐兗二州牧燕王謚恭肅比堊三臨其喪詔以元儼墨跡及所為詩分賜宰臣餘藏祕閣子十三人元儼元良元迪元初餘皆早卒熙寧中以元良子宗絳嗣封吳國公徽宗改封吳王為周王元熙終右監門衛將軍滁州刺史贈博州防禦使博平侯元良歷五節度領寧海平江兩軍封華原郡王改襄陽田同中書門下平章事兼侍中至太保中書令好酣寢以日為夜由是一官之人皆晝睡夕興薨贈定王有司以其反易晦明謚曰榮易元迪累官耀州觀察使居父喪不哀又嘗官中為優戲為

妻昭國夫人錢氏所告制降后監門衛大將軍絕朝
謁錢氏亦度為洞真道士乞初名允宗勤於朝會
雖風雨不廢未嘗問財物厚薄惟誦佛書人以為不
慧累遷寧國軍節度使同中書門下平章事治平元
年卒贈中書令博平郡王無子英宗臨奠以允初後
事屬其兄允良乃以允成孫仲連為之後

崇三元億早亡追賜名封代國公治平中封安定郡
王徽宗即位加封崇王

真宗六子長溫王禔次悼獻太子祐次昌王祗次
王祉次欽王祈次仁宗禔祗祈皆蚤亡徽宗賜名

封

悼獻太子祐母曰章穆皇后咸平初封信國公生九
年而薨追封周王賜諡悼獻仁宗即位贈太尉中書
令明道二年追冊皇太子

仁宗三子長楊王昉次雍王昕次荆王曦皆早亡徽
宗時改封

濮安懿王允讓字益之商王元份子也天資渾厚外
莊內寬喜愠不見于色始為右千牛衛將軍周王祐

薨真宗以綠車旌節迎養于禁中仁宗生用蕭韶部
樂送還即官衛州刺史仁宗即位授汝州防禦使累

拜寧江軍節度使上建隆親宅命知大宗正寺宗子
有好學勉進之以善若不率教則勸戒之主不變始
正其罪故人莫不畏服焉慶曆四年封汝南郡王拜
同平章事改判大宗正司嘉祐四年薨年六十五贈
太尉中書令追封濮王謚安懿仁宗在位久無子乃
以王第十三子宗實為皇子仁宗崩皇子即位是為
英宗治平元年宰相韓琦等奏請下有司議濮安懿
王及譙國夫人王氏襄國夫人韓氏仙遊縣君任氏
合行典禮詔須大祥後議之二年乃詔禮官與待制
以上議翰林學士王珪等奏曰謹按儀禮喪服為人

後者傳曰何以三年也受重者必以尊服服之為所
後者之祖父母妻妻之父母昆弟昆弟之子若子謂
皆如親子也又為人後者為其父母傳曰何以期不
二斬持重於大宗降其小宗也為人後者為其昆弟
傳曰何以大功為人後者降其昆弟也先王制禮尊
無二上若恭愛之心分於彼則不得專於此故也是
以秦漢以來帝王有自旁支入承大統者或推尊其
父母以為帝后皆見非當時取議後世臣等不敢引
以為聖朝法况前代入繼者多官車晏駕之後援立
之策或出臣下非如仁宗皇帝年終未衰深惟宗廟

四百令
之重祗承天地之意於宗室衆多之中簡推聖明授
以大業陛下親為先帝之子然後繼體承祧先有天
下濮安懿王雖於陛下有天性之親顧復之恩然陛
下所以負宸端冕富有四海子子孫孫萬世相承皆
先帝德也臣等竊以為濮王宜準先朝封贈期親尊
屬故事尊以高官大國譙國襄國仙遊並封大夫人
攷之古今為宜稱於是中書奏王珪等所議未見詳
定濮王當稱何親名與不名珪等議濮安於仁宗為
兄於皇帝宜稱皇伯而不名如楚王涇王故事中書
又奏禮與令及五服年月敕出繼之子於所繼所生

皆稱父母又漢宣帝光武皆稱父為皇考今珪等議
稱濮王為皇伯於典禮未有明據請下尚書省集三
省御史臺議奏方議而皇太后手詔詰責執政於是
詔曰如聞集議不一權宜罷議令有司博求典故以
聞禮官范鎮等又奏漢之稱皇考稱帝稱皇立寢廟
序昭穆皆非陛下聖明之所法宜如前議為便自是
御史呂誨等彈奏歐陽脩首建邪議韓琦曾公亮趙
槩附會不正之罪固請如王珪等議既而內出皇太
后手詔曰吾聞群臣議請皇帝封崇濮安懿王至今
未見施行吾載閱前史乃知自有故事濮安懿王譙

四百令六人
國夫人王氏襄國夫人韓氏仙遊縣君任氏可令皇
帝稱親濮安懿王稱皇王氏韓氏任氏並稱后事方
施行而英宗即日手詔曰稱親之禮謹遵慈訓追崇
之典豈易克當且欲以塋為園即園立廟俾王子孫
主奉祠事翌日誨等以所論列彈奏不見聽用繳納
御史勅告家居待罪誨等所列大抵以為前詔稱權
罷集議後詔又稱且欲以塋為園即追崇之意未已
英宗命閣門以告還之誨等力辭臺職誨等既出而
濮議亦寢至神宗元豐二年詔以濮安懿王三夫人
可並稱王夫人云王二十八子長宗懿英宗時為宿

州團練使封和國公神宗以宗懿濮安懿王元子追
封舒王子仲鸞常州防禦使父薨諸子皆進官獨不
忍受喜翰墨樂施與九族稱賢卒贈武康軍節度使
洋國公謚曰良仲鸞弟仲汾幼喜書史一讀成誦居
父喪鄰於毀瘠卒官萊州防禦使贈昭化軍節度使
榮國公次宗樸為隴州防禦使封岐國公宗樸與英
宗友愛初詔英宗入居慶寧宮固辭宗樸率近屬敦
勸乃入治平中建濮王園廟宗樸遂拜彰德軍節度
使封濮國公奉王後神宗即位加同平章事兼侍中
進封濮陽郡王薨贈太師中書令追封定王謚僖穆

子仲佺父歿不食者數日母壘時天大雪步泥中扶翼道路歎惻以潤州觀察使卒贈開府儀同三司宗樸既薨宗誼襲封官至昭化軍節度使同中書門下平章事薨贈太師中書令廣陵郡王謚莊孝宗暉元豐中以淮康軍節度使襲濮國公安懿王及三夫人改祔命為誌并題神主加同中書門下平章事開府儀同三司進嗣濮王哲宗立改鎮南節度使檢校司徒紹聖元年薨年六十七贈太師追封懷王謚榮穆子仲璉先是濮國嗣王四孟詣洛享園廟以河南府縣官充亞終獻宗暉之襲封也神宗始命以其子為

之仲璉遂以終獻侍祠凡十餘年父喪哀痛不能勝纓服除而卒官右監門衛大將軍合州刺史宗晟紹聖元年六月以武安軍節度使判大宗正事加檢校司徒嗣濮王明年三月薨年六十五贈太師昌王謚端孝宗晟好古學藏書數萬卷仁宗嘉之益以國子監書治平將郊而雨或議改祫享英宗訪諸宗晟對曰陛下初郊見上帝盛禮也豈宜改卜至誠感神在陛下精意而已帝嘉納及郊雨霽帝數被疾密請早建儲貳以係天下之望世稱其忠宗晟薨哲宗紹聖二年四月宗愈以鎮安節度使開府儀同三司檢校

司徒嗣封故事嗣王以四時詣祠所宗愈方屬疾或
曰不可以暑行曰吾身主祀而不往非禮也強輿以
行疾遂亟是年八月薨年六十五贈太師追封襄王
謚恭憲宗綽嗣官至河陽三城節度使檢校司徒紹
聖三年二月薨年六十二贈太師追封榮王謚孝靖
宗楚累拜武勝軍節度使開府儀同三司封南陽郡
王紹聖三年三月以檢校司徒改武昌節度使嗣濮
王既嗣爵當詣園薦獻會疾以弟宗漢代行歎曰不
能親奉遽豆饗我先王而浮食厚祿安平請以爵授
弟不許四年六月薨贈太師惠王謚恪節宗祐克己

自約蕭然若寒士好讀書尤喜學易嘉祐中從父允
初未立嗣咸推其賢詔以宗祐為後泣曰臣不幸幼
失怙恃將終身悲慕恐為人後乎敢以死請仁宗憐
而從之累遷清海軍節度使開府儀同三司封萊城
郡王紹聖四年八月加檢校司徒嗣濮王時已病當
祠園廟不肯移疾自秋涉冬連往來元符元年春又
亟往遂薨于祠下贈太師追封欽王謚穆恪宗漢英
宗幼弟也累拜保寧軍留後鄴國公東陽安康郡王
元符初以彰德軍節度使開府儀同三司檢校司空
嗣濮王徽宗即位徙寧江保平泰寧三鎮判大中正

子四百令六個
安懿王諸子
王孫
黃

事加檢校司徒太保太尉帝幸濮邸遷其子孫官時
安懿王諸子獨宗漢在恩禮隆興大觀三年八月薨
贈太師追封景王謚孝簡宗漢善書嘗作八鴈圖人
稱其工仲增嗣仲增濮王孫於屬為長故封官至彰
德軍節度使開府儀同三司政和五年九月薨贈少
師追封簡王謚穆孝仲御自幼不群通經史多識朝
廷典故居父宗晟喪哲宗起知宗正力辭詔虛位以
須終制系遷鎮寧保寧昭信武安節度使封汝南原
郡王政和中以檢校少傅恭寧軍節度使開府儀同
三司嗣封天祚節遼使在廷宰相適謁告仲御攝事

率百僚上壽若素習者帝每見必加優禮稱為嗣王
宣和四年五月薨年七十一贈太傅追封郇王謚康
孝仲爰嗣徽宗即位拜建武節度使為大宗正加開
府儀同三司封江夏郡王徙節恭寧定武檢校少保
少傅宣和五年六月薨年七十贈太保追封恭王仲
理嗣靖康初為安國軍節度使加檢校少保開府儀
同三司嗣濮王者英宗本生父後也治平三年立濮
王園廟元豐七年封王子宗暉為嗣濮王世世不絕
封高宗南遷奉饗王神主于紹興府光孝寺仲湜字
巨源蔡蔡宗輔之子安懿王孫也初名仲坦熙寧

宋史一百四十五
卷一百四十五
二湯
惠

四
百
令
六
十
一
十年授右內率府副率累遷密州觀察使知西外宗
正事保大軍承宣使欽宗嗣位授靖海節度使更今
名召知大宗正事未行汴京失守康王即帝位于南
京仲湜由漢上率衆徑謁時嗣漢王仲理北遷乃詔
仲湜襲封加開府儀同三司歷檢校少保少傅紹興
元年充明堂亞獻七年薨帝為輟朝賜其家銀帛追
封儀王謚恭孝仲湜事母以孝聞喜親圖史性酷嗜
珊瑚每把玩不去手大者一株至以數百千售之高
宗嘗問墜地則何如仲湜對曰碎矣帝曰以民膏血
易無用之物朕所不忍仲湜慚不能對子士從士街

士從士街士歆士從靖康末為洛州防禦使建炎二
年同知西外宗正事主管高郵軍宗子士從招潰卒
置屯奏假江淮制置使許之賊李在犯楚州士從遣
部將乘虛掩襲扭於小勝軍無紀律敗績士從移司
衡溫二州臣僚以其弟士從撓州縣士從不能制遂
罷紹興四年遷涇洪二州觀察使權知濮王園令士
從乞擇利便地奉安神位從之六年士街授象州防
禦使遷華州觀察使同知大宗正事安慶軍承宣使
主奉濮王祠事初以軍興南班宗子權罷歲賜至有
身歿而不能殮者士街言于朝詔復舊制三十年拜

安德軍節度使典宗司凡十四年士錢官至安慶軍
 節度使同知太宗正事隆興元年上言宗司文移視
 官叙高下令詔臣兄也位反居臣下失尊卑叙乞易
 置之詔可其奏士衍官至崇慶軍節度使知西外宗
 正事右諫議何溥論士衍強市海舟罷官已而詔歸
 南班奉朝請隆興中以邊事未寧與士錢奏減奉給
 恩賞之半以助軍興詔加獎諭仲偃景王宗漢子也
 初授右內率府副率轉右監門衛大將軍建炎未授
 武功大夫忠州防禦使紹興中遷濟州知南外宗正
 事八年加檢校少保向德軍節度使襲封嗣濮王仲

偃生而不慧以次得封入見榻前慟哭帝驚問故荅
 語狂謬帝優容之九年薨上輟朝三日追封瓊王謚
 恭惠士伐安懿王曾孫也紹興二十五年十一月襲
 封除崇慶軍節度使初仲偃薨秦檜專政罷襲檜死
 始封士伐踰年薨贈少師追封思王謚溫靖士朝士
 伐弟也紹興二十八年由建州觀察使襲封授昭化
 軍節度使初懿王神貌奉安報恩寺西挾屋居隘陋
 士朝請別營祠堂許之久之加檢校少保累加開府
 儀同三司賜嗣濮王居為世業除知大宗正事累加
 三少充醴泉觀使淳熙七年薨贈太傅追封安王士

四百六十一
欽仲湜第十一子也由保康軍節度使襲封加開府儀同三司累陞三少慶元二年薨贈太傅追封欽王不秣安懿王玄孫也年七十六累轉武功郎士欽既薨不秣年最高得襲封除福州觀察使由庶官襲封自不秣始慶元五年轉武安軍承宣使俄薨贈開府儀同三司追封蔣國公不壘由武經大夫授利州觀察使襲封開禧初遷寧遠軍承宣使薨贈開府儀同三司追封安國公不溥開禧二年由安遠軍承宣使襲封除昭慶軍節度使遷檢校少保嘉定十年薨贈少師追封高平郡王不嫖由武翼大夫襲封授福州觀察使時嘉定十一年也踰年而薨贈開府儀同三司追封惠國公臣僚上言嗣濮王元降指揮雖有擇高年行尊之文然高宗朝儀王仲湜以德望俱隆越仲琮而選拜武德郎齎次當襲封以官卑乃命士儂權奉祠事越十六年始正士儂之封是亦不拘定制也乞自今應封者命大宗司銓量都堂審察閣門引見然後奏取進止寧宗然之不浚父士穉不嫖既薨不浚由右千牛衛將軍授福州觀察使襲封嘉定十五年遷奉國軍承宣使十七年薨贈開府儀同三司追封惠國公

二百个

列傳卷第四

三

列傳卷第四



